

明

靈感寺鐘款

一永樂十三年十月正書一萬歷庚申年鑄泰昌元年十一月完  
功正書在縣西南靈感寺

通真觀鐘款

景泰五年甲戌二月正書在賈里村

西安張貳守善政碑

成化十六年普暉撰銘銘書在西倉

大總督張公平夏功德之碑

正德六年正月正書題額十一字篆書按碑載張永監軍西征叛

藩安化王寘鐸凱旋兼及奏誅劉瑾事皆與史合陝耆老以其率

師數萬往返陝省而民不知兵相與告於鎮巡太監王與都御史

咸寧長安兩縣續志 卷一三 金石考下 二十一

藍章總兵官都督韓玉等紀實刻石今存安定門甕城內

西安同知李侯監收永豐倉政績碑

正德十一年秦藩永壽王愛山譔記

增修貢院碑

嘉靖四年檢討殷昞撰並書

重修貢院碑

嘉靖十九年庚子呂柟撰管楫書韓邦奇篆

瑞鶴圖記

嘉靖二十七年六月監察御史西匯胡汝輔撰勅提督團營軍務

石谷王準書南京應天府治中長坡周思忠篆石存崇仁寺

重葺翠雲菴碑

嘉靖庚戌四月光祿寺卿馬理撰并草書碑陰有圖兼題名在子

午鎮天聖觀

重修溫國寺碑

嘉靖三十三年甲寅十月管輯撰文杜鸞篆額王準正書

唐道宣律師遺迹述

萬歷元年壬申七月僧志川述正書在縣西南靈感寺

重修祖師舍利塔記

萬歷元年七月僧志川撰正書在縣西南靈感寺

給僧志川免差帖

萬歷四年二月徐行正書在縣西南靈感寺

廣惠宮鐘款

萬歷十一年癸未三月正書在東石村

子午鎮立集記

咸寧長安兩縣續志 卷一三 金石考下 二十七

萬歷二十五年丁酉四月四川按察司兵備副使長安王道口撰

陳生鄭承恩正書在子午鎮

重修玄帝行宮碑

萬歷壬寅季秋正書又醮鑪一亦萬歷間鑄有款識正書在六村

堡三臺菴內

上廟鐘款

萬歷三十四年正月王書在縣南賈里村北門外

崛柴村菩薩廟鐘款

萬歷三十七年己酉十月正書在縣南崛柴村

重修城隍廟碑

萬歷四十一年癸丑賜進士第觀吏部政呂下問撰并行書邑庠

生馮時泰篆額在子午鎮

元君廟鐘款

一萬歷四十六年正月正書一萬歷四十七年七月正書又醮鐘

二有款識俱在縣南黃良鎮

菩薩廟鐘款

天啓四年正書在縣南史張村

元君廟鐘款

天啓七年十二月正書在縣南酒務頭

新建長安神禾堡記

崇禎八年五月湖廣荊州府推官麟遊劉承纓撰邑庠生支其源

正書并篆額碑陰有題名在賈里村天齋廟

太白廟臥碑

崇禎庚辰春康陵汪喬年題正書文為素昊棲真代天宣化八字

咸寧長安兩縣續志 卷十三 金石考下 二十八

字徑尺餘分嵌於西關太白廟門壁左右

子午鎮城隍廟殘碑

無年月七十六翁劉璣撰韓福篆馬昊書俗呼半截碑在子午鎮

清

重修三臺菴碑

康熙十三年仲夏正書在六村堡

嚴安映禪師塔銘

康熙二十年辛酉同知西安府事西湖沈光禧撰文侍者戒弟子

海聰正書按銘師諱超映字嚴安福建陳氏子辛酉九月端坐而

逝春秋六十石存靈感寺外塔上

重修關帝廟碑

康熙三十六年五月杜珣撰雷采正書原存西郭外

慕貞女碑

康熙甲午正月陝西巡撫永泰撰文陝西提督學政潘從律正書

浙閩總督梁鼎篆額碑存賈里村靖逆侯張勇祠旁

子午鎮重修城隍廟記三碑

一雍正元年十月候選儒學訓導齊珍撰生員張駟行書齊璣篆

額一乾隆四十八年廩生邵友洛撰廩生李純正書一嘉慶丁丑

十月翰林院庶吉士張雲樵撰增生倪鍾霖正書俱在子午鎮

大德慈渡筏禪師重修溫國寺碑

乾隆四年邑廩生王峴撰文子朝柱篆額邑宰王端正書鐵碑二

一鑄寺圖並記一鑄捐貲姓名存溫國寺

修長安縣學記

乾隆七年正月長安長吏貴陽楊毓芳撰正書

咸寧長安兩縣續志 卷十三 金石考下 二十九

長安義學田記

乾隆七年楊毓芳撰正書

重修西安府崇聖寺碑

乾隆四十四年七月畢沅撰文并正書存崇聖寺

黃良鎮關帝廟鐘款

乾隆四十七年壬寅三月正書又鐵醮鐘一有款識道光三十年

十一月正書俱在廟內

崇仁寺五百羅漢記

乾隆四十九年十月陝西按察使王昶撰汪照分書存崇仁寺

重修火神廟記四碑

一乾隆五十七年十二月王榮榮撰陝西按察使寧樸篆喬高松

正書一嘉慶十七年八月傅鍾文撰康濟泰正書一咸豐九年六

月薛桂一撰呼延爾溶正書一光緒元年正月正書下列巡撫譚  
鍾麟將軍圖明阿按察司裕寬督糧道趙新鹽法道沈鵬元咸寧  
知縣胡元照署縣事宋統長安知縣張國鈞署縣事羅驥提督譚  
仁芳等名

達澄瑩空和尚塔銘

嘉慶五年六月淨業寺僧際桂撰邑人譚廷琬正書在靈感寺前  
子午鎮立集記

嘉慶庚午仲冬邑舉人張大業撰并正書碑陰有題名

重修青門學舍記

嘉慶八年九月上元葉世倬正書存少墟書院

西安大崇仁寺際桂禪師敘法派碑

嘉慶二十四年三月路德撰孫鵬翼篆額張玉德正書額題西京

咸寧長安兩縣續志 卷一三 金石考下 三十一

古崇仁寺別峯際桂禪師敘法派碑十六字存崇仁寺

郡厲壇附義墳記

嘉慶二十四年姑洗中浣正書額題義墳碑記四字篆書長安岳

漢春咸寧廩生王士清同立石在城隍廟二殿

重修崇仁寺碑

嘉慶二十五年三月內閣中書長安李僕撰副都統長白田謙篆

正書存崇仁寺

義祀感鶴記

嘉慶二十七年三月經筵講官鄧杜入十一山人王九思撰副都

御史奉勅巡撫山東地方曹蘭書存崇仁寺

重修元君廟碑

道光十九年邑儒學生員張佩芝撰并正書在縣西南元君廟

村規碑

道光四年三月張玉德正書在靈感寺

三義廟鐘款

道光十九年十一月正書在和迪村

重修節義祠碑記

道光二十九年己酉孟春知西安府事徐棟撰江開行書

井養無窮四字碑

道光年知長安縣事胡興仁正書在安定門甕城內石佚

靈聖王都城隍廟碑記

咸豐三年癸丑季春翰林院編修韓城王篤慶撰富平石中玉書

列名有翰林院編修呼延振候選同知唐李杜長安知縣孫治

多忠勇公祠碑

咸寧長安兩縣續志 卷一三 金石考下 三十一

同治十二年癸酉仲春寧夏將軍穆圖善撰西寧兵備道舒之翰

正書碑存本祠

劉君湘浦墓表

光緒元年陝西巡撫邵亨豫撰陝西巡撫譚鍾麟正書在縣南水

磨村北

重修城隍廟二門鐘鼓樓東廡樂舞樓碑

光緒十三年孟秋葉伯英撰并正書在都城隍廟內

重修前明馮恭定公祠碑

光緒十六年白馮道正書存少墟書院

少墟先生敬字箴

馮從吾行書光緒年刊石

補遺

明

屯鋪二村玉皇古刹鐘識

萬曆十二年季冬正書存西鄉

清

村規

嘉慶十九年六月張聰賢撰正書又再題村規道光四年正月亦

張聰賢撰正書

張氏一門義烈碑

嘉慶二十三年邑生員呂大呂撰邑生員康濟泰正書碑陰載殉

難諸人名字年齡并詩二首詞二章在鴨池口村西

咸寧長安兩縣續志

卷一三 金石考下

咸寧長安兩縣續志卷十四

良吏傳

首邑繁劇冠乎全秦寄百里之命非試諸他縣而稱最不獲與於是  
選彼其志欲有施於民以不負一時之責望者夫誰不然而時過境  
遷往往不見稱於後世豈最者非民所謂最施者非真有所施而當  
時是非毀譽不盡出於三代直道之公歟固宜馬班之傳循吏而僅  
五六人也嗚呼難矣作良吏傳

咸寧

梁熙字曰緝河南鄆陵人順治乙未進士初任咸寧冰潔自矢不數  
月行取補諫垣巡視茶馬於秦不名一錢以疾乞去祀鄉賢著有哲  
次齋集行世任京職時往還皆名士葉子吉汪鈍翁劉公駸王西樵  
阮亭兄弟尤重之及歸高念東侍郎以詩送行有蕭然襍被燕山遠

咸寧長安兩縣續志

卷一四 良吏傳

一箇嵩邱行脚僧人以為知言甘肅志 陝西志

喬履信字實夫河南偃師人雍正庚戌進士以知縣分發陝西時年  
二十二而器宇凝重見重老成為陝西通志分纂歷署郿縣富平白  
水高陵等縣咸惠丕著調任咸甯咸甯附郭迫於供應不暇親民事  
履信治咸鄉甲保伍一如治富十九社民情大和民壯工食舊條里  
下私幫年約二千金出示革去另為設法出放倉糧舊條鋪戶領納  
里民每石包銀若干恐出納多累且省出納之苦也履信知之歎曰  
積貯美政而乃害民至此乎傳諭鄉練等願領者預造清冊按里限  
日給發自是里民稱便而鋪戶不得借以射利咸為三省孔道應接  
無虛日物料舊支行戶或有朽遺商人苦之履信白上台用存公銀  
修三省會館並置物件登交代簿使主者不得侵蝕墩臺悉易以磚  
會城中兵民相錯極難理獨於履信帖然不敢犯有大案台司輒委

審定焉丁憂解任旋里十年起復赴都用薦者奉旨以御史記名候  
補暫授禮部儀制司主事尋卒

見碑傳集  
循良傳

莊映字兼訥江蘇武進人寄籍大興乾隆壬申順天鄉試舉人以知  
縣揀發陝西歷沂陽咸寧臨潼醴泉等縣有聲績其在咸寧前令多  
積案有兩造死猶下牒拘訊者命吏呈牘則纍纍盈几檢視既周次  
第剖決案爲之空巡撫明德疏薦以知府記名候升然映以母老決  
意乞養比遷商州而映已就道矣嘉慶六年卒年八十四

見碑傳集

畢所密字退思山東文登人乾隆甲午順天鄉試舉人大挑知縣分  
陝補鄂縣攝富平旋調咸寧時教匪自楚竄秦賊首齊王氏姚之富  
等十餘萬衆由斜峪關出山焚掠整鄂直趨西安總兵王文雄將兵  
四千大破賊於盤屋焦家鎮殲其黨萬餘賊始竄入南山是時所密  
守西安南關日夜防禦閭閻恃以無恐及賊至大峪口所密率勇壯

咸寧縣志卷之四 良吏傳

二

據險截守得賊游騎間諜即戮之巡撫秦承恩以防禦功奏保賞換  
五品頂戴以應升之缺升用咸寧首邑繁劇謁候上官送迎驛使常  
無暇晷而所密於聽斷當晝即決無夜歸者值旱歉設粥東郭以救  
饑餒民情愛戴大府重之屢登剡章晉知府尋卒於官

見賜葛  
堂文集

顧淳慶字古生浙江會稽人道光壬辰舉人大挑知縣分陝西爲巡  
撫林則徐所特識歷任韓城岐山延長長武等縣旋調咸寧日接上  
官籌通省兵食及外鄰協饒其所表建悉中機宜時豫寇已迫上游  
乃移淳慶潼關使司防守其後賊薄雒南以守禦堅不得入人始服  
其先識巡撫上其事得旨優敘

表

李肇慶山東歷城人道光九年爲縣令勤於吏職捐俸重修董子祠  
墓又建節孝祠擇人而任以採訪核其實得節婦烈女四百二十四  
人並前志已載而未請旌者共千餘人爲位祀之十六年祠成整屋

路德撰文紀事邑侯段志佐勒諸石

見碑

唐李杜字仰皋一字詩輔湖南祁陽進士性鯁介不避勢要同治初  
任咸寧時太平軍入境軍事急西安協餉不濟李杜酌劑而調護之  
事行而民不擾洎回亂省圍岌岌巡撫英榮憂之使乞師於將軍多  
隆阿星夜馳援轉危爲安李杜與有力焉尤長聽訟用鈎距之法往  
往逆折機牙使不得逞大府輒以不決之獄委之無不得其情者升  
商州直隸州知州尋晉知府工書法片楮零縑得之者咸珍貴焉

通志稿並  
採訪冊

柳坤厚字載庵安徽鳳陽人道光丁酉舉於鄉甲辰大挑一等以知  
縣分發陝西其攝寧羌州事革陋規減徭役有諸生皮元吉者團頭  
也創議曰柳公愛民今兵差若喇嘛土司外國人貢民供夫馬甚患  
苦宜請官盡捐之陰使團衆二千人羅拜城下乞恩坤厚語其衆曰

咸寧縣志卷之四 良吏傳

三

兵差不常有故事喇嘛等三年道境上最多州境三年中供差徭錢  
七百緡耳因曉以大義俱散去會元吉爲他案逮捕檄至州元吉以  
千餘人圍城大譟謂袁某許元吉不實今速誅袁即退不則能聚不  
能散也坤厚挺身會營將出城搜捕衆望風解散擒元吉及其黨紀  
聯魁逮省斬之其宰宜君也宜君爲四戰地困回亂久米脂人艾嘉  
銳出家財結死黨千人據玉華山自稱普安天王所在騷動坤厚率  
衆往諭以計燔其巢擒嘉銳並其將高義與寘之法巡撫劉蓉夙器  
坤厚調知咸甯升佛坪廳同知未之任復具疏薦謂其悃悃無華愛  
民如子上官悍將不可干以私大有不侮鯁寡不畏強禦之風得旨  
以知府儘先補用其任咸甯也民苦差徭斂錢之數官不知也糜錢  
之數民不知也坤厚廉知其弊設里局令民董之計畝輸錢月盡則  
最一月所出納榜之於門吏不能欺踰年權乾州直隸州捻逆張總

愚西窺圍乾州城十餘日坤厚嚴守卒不得下賊退復上據涇設防撤渭渡船之策行其議賊果窮蹙在乾州二年以疾乞歸布衣蔬食者十餘年卒年近八十

見續通志稿並採訪冊

胡元照字筱滄直隸正定人同治乙丑進士改庶吉士散館用知縣其治咸寧也習聞首邑皂隸貪橫小民弗堪元照下車即重懲之其弊遂絕咸寧無私設班管自元照始也時方亂後地方彫敝招撫流亡不遺餘力甫半載而戶口繁滋元照平情體物不以嚴峻為治愛士尤篤月課必躬校閱或召集講堂而訓迪之又捐俸立內課優者則厚給膏火津逮寒畯士論翕然初到官即嚴保甲重民命凡所興革能為人之所不敢為既而清釐叛產則又寓體恤於嚴查之中壹以仁厚為本實心實政以卓異升綏德直隸州邑人至今德之

採訪冊

胡瀛濤字海客四川人光緒丙子科進士即用知縣光緒十年署縣

咸寧長安兩縣續志

卷十四

良吏傳

四

事慈祥而持大體勤撫字慎催科剖疑決獄無枉無縱訓課士子務求實學有諸生嚴某者以誤殺遠縣獄瀛濤憫其非罪百計開脫仍督課之習舉業有作必纂改猶塾師之於子弟也其愛士如此

採訪冊

樊增祥字雲門號樊山湖北恩施人光緒丁丑翰林散館為知縣迭署縣事下車甫匝月政平訟理豪猾斂跡聽斷明察折獄如神一時判牘以喜笑怒罵出之皆成絕妙好辭在官嫉惡嚴尤嫉請託有藩署書吏某者涉訟到縣訟不得直則恃為憲吏狀甚倨增祥怒而杖之手書判詞數百言懸之署門一時爭傳誦焉其能潤色吏治多類此增祥天才不可一世生平著述最富詩集凡三萬首有樊山批判行世調補渭南歷膺繁劇官至陝西布政使尋移江寧

採訪冊

焦雲龍字雨田山東長山人同治甲戌進士陝西即用知縣初任三原光緒八年署咸寧三原人思念舊澤有赴愬者丁憂服闋十四年

補咸寧調署長安十六年蒞咸寧本任其為官廉勤剛直不為煇嬰清訟戢盜愛士恤民為一時循良之最關中書院者大吏課士之所也歷任邑令無課者雲龍下車慨然曰此惜費耳何不嘗課之有立捐俸金備獎資終其任課不輟時主講者澧西柏子俊先生名儒也方議修少墟書院而人或尼之雲龍又捐俸千金為之倡卒成其事在任三年營建如董子祠墓魯齋書院凡有關於正學雲龍皆盡力籌度之而春秋繁露朱子小學近思錄等書或印或購尤汲汲鞫致多本以餉多士雖費多金無所惜及門之士鄉會試登文武科者接踵也今灊橋南岸桑樹成林即其所勸植者人比之如甘棠遺愛云歷任米脂安康富平臨潼多惠政大計卓異升署綏德商州直隸州補授潼關廳同知以賑荒勞瘁卒於官潼民巷哭政績宣付史館立

傳錄

傳錄

咸寧長安兩縣續志

卷十四

良吏傳

五

楊調元字孝羹一字和甫貴州貴筑人光緒丁丑進士戶部主事謁選改授陝西紫陽縣歷署鳳長安華陰寶雞沔富平知縣華州知州調補長安咸陽擢補華州一舉卓異歷保至道員在任候補調元開敏卓犖內持介節所至斷獄治盜興學闢水利咸為士民所謳思即大府長吏亦以才且賢交推之調元於紫陽用團練出奇擊鄰匪脫巨禍所全甚眾西征軍有夜持七首者傷長安回一人回聚眾大訂且為變調元單騎往諭立解華陰河渠久不治調元督工役凡疏支河三渠二十一涸復民田五萬畝其他政績未可殫述然任勞任怨率類此也調元知華州時兵民交訟獄忤巡撫意幾劾罷與論而止宣統三年蒞渭南踰數月民變作臨潼張士原揚言起兵聚眾呼噪城下調元以義斥之乃以數騎入縣署議貸餉調元以俸入金五千授之士原退然意不滿也調元次日侵晨步後園中嘆曰三百年

赫赫宗社乃有今日耶義何可辱奮袂投井死九月十一日也縣民聞調元死皆痛哭墓君棺東城門外畢家原有清之亡秦中州縣官之以死殉者三原德銳與平楊宜瀚與調元三人而已見墓誌黃時中字子權蒲城舉人光緒四年選授咸寧教諭敦品尚志篤學力行課諸生崇實黜浮多所成就每年於春秋丁祭前日集諸生會講一次考其學行士風丕振晚近以來實司訓中之錚錚者矣歷任學使甄別皆書上考旋推陞榆林府教授時中以在咸寧久與諸生道義親洽遂辭不就後卒於官採訪冊

### 長安

張聰賢字愛濤安徽桐城人嘉慶辛酉進士壬戌改庶吉士散館選陝西甘泉知縣先後兩任長安勤政愛民始終不渝聰賢每謂風俗之壞其害過於饑饉撰通俗詩句徧諭鄉村又設為規條使各村紳

長安縣志卷十四 良吏傳

耆時為講說以救婚喪奢靡之弊城西蒼龍河平時無水暴雨則南山眾壑之水歸焉田禾淹沒往往數十村皆受其害聰賢籌集鉅貲於兩岸築隄東之數十年河患遂絕縣志自明馮恭定公編纂時踰百年聰賢懼文獻之無徵也以續修自任通才碩學胥以禮羅書成識者謂為深合史法至今寶之積勞卒官極歸之日哭奠者數十里道光十三年祀名宦採訪冊

吳鳴捷字友聲安徽歙縣人嘉慶辛酉進士以知縣分陝西署岐山咸陽補高陵調長安又調咸寧在官杜苞苴省徭役獎節孝恤辜疾振人文謹隄防遇事表裏洞澈而用意渾厚不為察察之明子子之義當時若無事然去則人皆思之尤神於聽斷瞭如目覩守廉潔而性喜任俠瘠己肥人用常不足凡有求者無不與或不待求即與之潼關同知張聰賢卒家屬不能歸時鳴捷典質一空計無所出乃自

支養廉入百金盡付之時人語曰善哉此舉真不愧捐廉矣丁卯分校鄉闈名儒盤匡路德即出其門及鳴捷升署與安府卒於官宦囊蕭然歸柩無貲德為請於大府暨僚友故舊集五千金送其柩兼償宿逋焉見墓誌

李煒字蘭舟湖北興國人道光庚子進士歷任山陽岐山富平咸陽知縣調長安饒吏才一切幹辦所至有聲林則徐撫陝時稱煒為關中良吏第一同治元年回民構變時煒在長安團練鄉勇安置難民客軍紛至諸待煒取辦以勞保知府檄署同州府未赴任卒湖北通志

羅讓字成之四川丹稜人增貢生歷署鳳翔寧羌等州縣題補褒城所至恆思以禮教齊民著有易俗條約一卷光緒元年署縣事時方兵荒彫劫之餘事多廢弛徭役煩重蒞任後勵精圖治不遺餘力先為寬減民累甫數月百廢俱舉於地方積弊尤釐剔無遺折獄專尚

長安縣志卷十四 良吏傳

和解不輕刑責每語同僚曰呂新吾先生五不輕打之訓吾輩當刻刻在念耳去任日士民攀轅為立石頌德焉採訪冊余麟書湖北漢陽進士光緒十一年署縣事時盜案寔多大府尙嚴峻麟書獨一本慈祥稱情而施不苟求合而地方翕然稱治判事明決無冤民泊卒於官輿論惜之赴訴者聞其耗皆灑淚去且歎曰不復見此青天矣始秦豐官錢局積鈔多久而充塞不流通商民大譁其勢岌岌麟書憂之篝燈夜訪於巨商王承霖與之謀承霖感其誠為籌錢商分任代收之策麟書如其言人心乃定其集思廣益又如

此麟書之卒也或謂其為城隍神有親見燈燭輝煌與馬渡渭者事雖甚怪亦足見平日神明之譽已採訪冊

涂官俊字邵卿江西東鄉人光緒丙子進士陝西即用知縣初任攝涇陽察民疾苦知猾吏蠹胥豪暴三者互相倚結法令訖不得行乃

日坐堂皇治獄訟於奸猾必痛懲之胥役劉貴強佔民女爲妾書吏王仲蘭飭法峻訟土豪杜懷珍強奪民女並別人足官俊悉置之法豪強脅息良善始得安居於是修文廟文昌宮蒼聖祠崇聖祠明倫堂龍洞渠富者輸財貧者盡力均不廢公家絲粟而次第畢工矣尋調署長安補宜君宜君山縣廣袤六百餘里居民寥廓事甚簡官斯土者候代而已官俊至則勸農桑興水利開稻田百餘頃循名大著權富平復涇陽官俊注意保甲縣四十四里總爲十鄉里分十甲甲有長里有正有副鄉有總查選公正百十人充之舉一鄉之農田水利蠶桑種畜戶婚田產緝捕征發錢糧詞訟學校教化鄉飲讀法悉統焉官有興作爲條教授之鄉總以及里正副甲長而至於民民有疾苦告之甲長里正副以及鄉總而至於官官民情意無所隔吏奉法民樂業治行遂爲關中稱最光緒甲午卒於任涇陽人罷市巷

局署長安兩縣制志

卷十四

良吏傳

八

哭設位奠祭不請於憲司而鳩材立祠且欲留壅涇陽其感人之深如其其在長安也首邑繁劇十倍他縣官俊仍以治他縣治之皆從容就理孝義瞽者失子於整厓爲鎮安捕役賣於咸寧境內瞽者哭訴官俊不去爲捕其設置之法並贖瞽者子還之縣事不假人手歲清積訟數千破獲窩犯七起革錢糧積弊立新甲百餘歲省數千緡長安人至今猶思官俊不置也國史循吏有傳

見本傳並採訪冊

馬晉字康侯山西人宣統二年宰縣事關心民瘼地方賴之城西灃河故有隄是秋白馬河口忽決百餘丈下游淹沒者凡數十村災甚鉅晉憂之立請帑金數百爲工振日夜謀所以防堵之法縣丞孫元亮柏毓芝力助之於是集十三村丁壯通力合作炎風烈日不辭况瘁久之而隄工蕝事至今田許厥嚴家渠夾岸屹然談水利者贊美焉元亮湖北人毓芝山東人一命之榮存心利物事必有濟有以哉

採訪冊

張倣銘字西軒朝邑舉人光緒中選授長安縣教諭先品行後文藝循循善誘士風一變尤喜與諸生聚談論文考其肄業勤惰故及門多知名士

採訪冊

咸寧長安兩縣制志

卷十四

良吏傳

九

咸寧長安兩縣續志卷十五

列傳

漢唐之世兩邑人才之盛甲天下宋元以還漸不復振然而有清一代前之梁張後之薛趙武功文治震耀當時謂不古若豈篤論敷茲篇周幹秦良張鈞何簡或為令僕或為郎官詩美榛苓書詢黃髮此其選矣嗚呼孝章猶存蘇子嗟歎由今視昔人亦勉為不朽焉耳盛衰消長之說固不足為人才限制也其他一行一藝依前志別為傳此不具書書其最著者作列傳

咸寧

馬驥乾隆五十五年武進士雲南廣西營守備隨征貴州興義諸苗累著戰功賜花翎遷永昌都司嘉慶二年川陝楚教匪日熾調驥赴川協剿賊首王三槐等屯聚東鄉各要隘驥裹創力戰迭克賊壘後

咸寧縣志卷十五 列傳

賊竄楚境追及之連戰皆捷又擊敗青白藍各號殘匪及黃號賊首樊人傑擒偽先鋒時賊勢窮蹙議撤各省兵歸伍驥請留軍中靖餘匪尋調湖北宜昌都司軍政卓異累遷山西汾州參將李文成陷滑縣以澤潞界連豫境檄驥出山防堵道光元年陞廣東南雄副將未赴任擢貴州安義總兵丁母憂服闋授廣東高州總兵後以年老休致賞食全俸二十年卒

文獻徵集錄 著獻類徵

許紹宗字迪光一字蓮舫其先浙江山陰人父燦客關中遂籍咸寧紹宗由嘉慶戊午舉人辛酉成進士改庶吉士散館授湖南永定知縣歷任慈利巴陵武陵等縣武岡知州鳳凰廳同知蒞官二十餘年治公事如家事興利除害勸農桑興學校育嬰水利諸事皆講求措施如不及每聽訟不輕定讞不輕予杖而民自折服湖以南風氣刁健越訴京控者比比惟紹宗所蒞獨無作居官六箴曰忍斷勤慎靜

恆而不言清謂自好者皆能之無足異也初任永定時縣民王嗣南

以邪教輾轉傳入十餘人紹宗偵知之率健卒夜抵嗣南所繫之得

其經卷及悖逆書究出黨首七人窮一夜捕獲之論如法而貫其餘

令自新又嘗溝漩水入漉漚田數千頃民皆德之攝慈利時懲害民

之積匪獲發塚之真盜人服其神明嘗修武陵武岡各志嚴簡有法

著有讀雪齋學詩學文經藝及讀史隨筆史評補又以關學一脈自

涇野迄孫西峯後危如一綫思振興而丕著之乃未中壽而歿歸

過武陵民人悲戀留葬於城西子孫因占籍焉

續通志稿

八十六那拉氏滿洲鑲白旗人西安駐防

咸寧縣志

川及薩拉爾回匪有戰功陞防禦嘉慶初教匪倡亂入十六隨西安

將軍轉戰湖北四川及興安漢中等處迭克城寨擒斬無算屢殲賊

目獲首逆曾士興高名貴張漢潮等擢佐領三省肅清凱撤回旗陞

咸寧縣志卷十五 列傳

協領十六年授青州副都統劾驍騎校齊車佈因姦釀命治如律奏

明於正兵外挑閒散壯丁作為餘兵一體訓練遷綏遠城將軍請於

界連大青山之蒙古設卡倫資巡緝又嚴定台吉佐領等承緝處分

並西勒呼圖克圖所屬僧俗窩留賊犯及商民被劫分別責懲各章

程尋調廣州又調江寧召來京道光元年署正藍旗漢軍都統旋因

年老休致賞給全俸十四年卒賜祭葬諡壯僖子扎隆阿廕生官驍

騎校哲勒京阿文學人

著獻類徵

李寶善字瑞臣道光甲午舉人大挑一等知縣改教職授澄城教諭

時楚豫不靖省城創立民團大吏檄寶善理其事有疑懼者曉以大

義乃樂從又陳時事十餘條悉中肯綮事已赴澄城任澄俗善訟有

同族諸生某某以事互控寶善曉以大義兩生感而泣願受罰時文

廟禮器缺旁有官吏憩室亦久圯寶善從其請使兩生各自營治之

不假吏胥之手自是無骨肉赴訴者士習一變同治壬戌回亂城小  
而頹勢不能守有勸之暫避者寶善曰我行士民安往乃單騎詣縣  
南交道鎮招集團丁爲防守計城賴以全將軍多隆阿入關討回檄  
寶善催運糧餉士飽而民弗苦以勞奏獎光祿寺署正銜尋因病乞  
休已解任矣邑紳攀留主講席踰歲歸里其爲人愛戴如此晚年學  
益精邃主講崇化宏道各書院多所造就寶善事母孝師事其兄丹  
巖照堂撫姪一如其子子象惺姪象忬補行壬戌甲子科同榜舉人  
均官教職有盛德及門多知名之士象惺子紹武諸生次子恭壽山  
西巡檢象忬子嵩壽廩生歷署四川鹽源縣丞甯遠府普格經歷亦  
以廉勤著

續通志稿  
並採訪冊

楊駒更名騶字定夫一字季駿竹泉其號也生有至性母有疾則涕  
泣不食幼承庭訓博極羣書年十四入邑庠爲名諸生道光甲午舉

咸豐二年五月  
月五日

三二

於鄉羣以老師宿儒相推許從游者衆嘗主鄠縣書院講席官三水  
縣教諭訓迪有方士論翕服官三水日回亂作援軍不至城守戒嚴  
駒與縣令某登陴固守凡兩月餘昕夕不懈卒保危城逮事平而身  
况瘁遂不起士民哀之生平於詩古文詞有心得整屋路德主講關  
中極激賞之工書法精篆隸刻有陰騭文印譜一卷

陳曾望字磻溪道光十七年舉人大挑知縣分發甘肅歷任寧遠微  
縣清水高台等縣代理秦州直隸州刑清政簡所至有聲卒於高台  
縣任子璠字魯珍同知銜甘肅候補知縣歷署崇信寧州等州縣事  
翁健字立夫一字雪樵道光己酉舉人援例爲甘肅知縣尋以勞績  
奏加運同銜署渭源縣專渭源地居偏僻流犯驕縱幾不可制百姓  
畏之如虎無所告愬健下車廉得其情擒渠魁立置重典餘衆脅息  
民乃安居同治初權篆環縣時陝回已叛鄰近固原有響應者明年

固原城陷環境戒嚴隴東官路不通兵車往來皆取道縣境供億繁  
難健自典衣物以濟其乏不悞軍亦不累民大吏稱善調權慶陽府  
知府保境籌防事無不舉紳民愛戴久之乃致仕歸逾年土匪屢彰  
等盤據北山凡數萬民苦其擾顧其中多環慶固原人激於義憤起  
與賊角非甘心爲匪也或以其狀白大府且言健在任時得人心可  
招撫之大府聽其議即以健任招撫事衆果散歸拯拔難民極多皆  
安插涇渭之間屯墾焉年六十卒於家

張祺字仲文道光己酉拔貢四川知縣咸豐四年調管西藏糧務時  
廓爾喀方構釁當事檄襄夷務事平晉直牧補茂州歷署資眉能勤  
厥職眉据大江上游同治九年三月江魚堤決口水下趨則民田將  
盡湮祺乃率所部駛集隄所相度而躬率之工役數百日夜不息凡  
十有三日堤成眉人至今不忘其惠祺於書無所不讀而天文數學  
尤精凡中法之四元西法之借根代數等術無不綜貫自成一  
家著有天元學演一書未成而卒

咸豐二年五月  
月五日

四

薛桂一字少邨號月農咸豐辛亥舉於鄉丙辰成進士以知縣即用  
改工部主事甘肅候補知府署平涼府政去煩苛士民感誦屬邑有  
盜案多株連桂一察其冤誣者宥之卒獲真盜丁父憂歸大吏邀襄  
西征糧臺請亟儲粟以裕軍食得免譴瀆奉檄赴晉籌餉集金數十  
萬敘績以道員用加鹽運使銜二品封典以母老不復出年七十九  
卒子秉壬字筱農光緒丙戌進士陸軍部員外郎猶子寶辰字壽萱  
光緒己丑進士改庶吉士授編修官至翰林院侍講學士

李滋苑字芳洲號閬仙道光二十六年丙午科舉人咸豐三年癸丑  
大挑一等知縣分發山西署長子縣同治元年在封口防賊出力奏  
加同知銜補授右玉縣在任六年凡民訟者以鳴鑼訴政通人和循

譽卓然士民愛戴同治十年以疾卒於永寧州任

張濟川字子興咸豐六年舉人同治中歷任廣東和平河 等縣清廉無私政聲頗著在任數年民愛之如父母

吳培棠字耐沉初為漢軍旗籍始祖天祿為齊齊哈爾副都統清初入京至協領應登始駐防於西安乾隆末漢軍撤防遂為咸寧人世官弗替培棠即孝子嘉梅之孫也由增生獎敘府經歷分四川咸豐十一年補潼川府經歷以軍功陞知縣尋克復西陽秀山等城保直隸州知州用加運同銜賞花翎同治四年補授太平縣歷署江津岳池鹽亭安岳什邡等縣事均有惠政任太平時藍黨初靖灰燼之餘百廢俱舉事行而民不擾解組後邑人懷德為位而尸祝之至今歲時猶附祀劉猛將軍廟香火不絕

翁其森字練亭邑庠生健猶子善騎射精技擊慷慨有大志時事方咸寧長安兩縣續志 卷十五 列傳 五

棘屢困秋闈遂博考兵法思以辦賊自任同治初回亂作健為環縣令其森隨侍倡辦團練逐賊出境轉戰鎮原等處以功保訓導加藍翎五品銜擒匪竄陝其森防守東關賊不得逞又與長安柏景偉總辦西同鳳三府堅壁清野相得甚歡繼又隨健招安北山土匪屢彰等數萬人咸就撫拔出難民安插涇渭間委辦屯墾全活甚眾援例捐陞同知加知府銜未仕卒景偉深惜之及葬銘其墓

徐銘勳字子樹原籍江蘇由副貢中同治庚午舉人光緒丁丑進士改翰林院庶吉士散館授直隸高陽知縣抵任捐修文昌樓復濬河修隄先勞無倦頌聲大作歷權正定滄州清苑等州縣陞署定州直隸州知州正定滄州河水泛溢與徒病涉往往陷溺銘勳創製官船嚴禁需索以利行旅清苑為省會首邑政務殷繁調任五載案無留牘會數月不雨民心惶恐乃步行入山虔禱立沛甘霖滄定二州向

多盜匪銘勳寬嚴並濟化莠為良有賣刀買牛之績又捐廉修復定武書院躬親課試士風丕振卒於官 以上俱採訪冊

宋之章字少谷其先雲南昆明人父來賓字寅谷以道光庚戌進士官甘肅玉門知縣權階州直隸州知州有膽識多惠政事具階州志初因避亂寓咸寧遂家焉之章性孝友能文工書究心經世之學由監生敘通判發甘肅以勞績保升知州歷署鎮原平番徽縣古浪知縣寧州知州貴德同知固原直隸州知州補狄道州尋保在任候補知府所至以休養為政興學校籌賑撫安民察奸以廉能著總督陶模慮河湟撫回饑變檄之章開辦西寧大通金廠以工代賑之章不避艱險回衆數千相率就食久而相安地方賴之貴德悍番叛據鐵瓦寺之章蒞任督兵驟進破中酋首餘駭遁多加布兩族猶以雪山負隅之章深入撫諭卒帖服固原漢回雜處號難治在籍某大員咸寧長安兩縣續志 卷十五 列傳 六

初解兵柄不自安而提督某持之急海城回酋亦蠢然欲動謠誣紛紜居民驚徙之章密防靜鎮積誠意以感之卒弭巨禍論者謂與安回撫番皆大有造於甘民云性廉儉好施與任寧州時亂後田賦粗定官吏習中飽弗舉實之章慮訐發興大獄僅作新墾升科餘不問坐是瘠苦虧巨帑質物稱貸以償之數典劇要始終堅苦官愈久貧亦愈甚日手一編泊如也年五十有六卒於任著有新疆善後議甘肅輿地考全隴財政條議兄之京字心符績學有文名工隸楷習繪事同治庚午舉人辛未聯捷成進士官戶部浙江司主事主講豐登書院旋卒子聯奎字聚五光緒己丑舉人歷任四川忠州資州直隸州知州敘州寧遠及雲南楚雄永昌等府知府迤西兵備道騰越關監督

按康對山韓五泉武功朝邑等志例得列其先君之行不以為

嫌茲以續通志稿原傳附入古人所謂誣親以善與知而弗傳之譏庶幾免矣聯奎謹識

雷豐字恆山同治庚午科帶補丁卯科舉人以修堡寨功保教職歸部候選補授吳堡縣教諭嚴於課士杜絕苞苴生監好訟則切戒之有勸士詩六首語婉而諷久之士風丕變歸長少墟書院逾年辭歸家固不裕賓至留飲歡暢竟日座客常滿有北海之風云

雷振林字樾村豐之胞姪同治癸酉拔貢本科舉人嚴峻拔俗初肄業關中書院為高才生糧道某公知其名欲羅致門下示意同舍令其一謁羣怨惠之卒不往月課以膏火自給不求仕進曾一主鄜州經正書院及其門者多聞於時書宗歐陽率更文師昌黎均能得其神似而不輕著述稿成輒棄之僅有詩文若干篇存於家

蘇湘字曉帆魁梧豪爽倜儻不羈工詩畫得者恆珍藏之當秀才時

咸寧長安兩縣續志 卷一五 列傳

即慨然以天下為己任不斤斤於詞章之末後與柏澧西劉古愚李敬恆袁寶初諸先生游盡棄舉業日以經世之學相切磨花門之變澧西奉檄辦鄉團修築堡寨湘為之助相得益彰既而澧西應左文襄公聘參贊戎幕湘亦在營多所建白事定奏獎銜翎比歸里則兵燹之後家室蕩然無已則以筆耕走四方居麻城縣幕凡八載居停倚之如左右手積勞致疾卒於鄂生平著作散佚殆盡今僅有致澧西一書猶膾炙人口

王兆慶字子雲號匿巖同治壬申歲貢生性狷介一毫不苟文章豪邁屢試薦而不售晚年詩酒自娛書法尤工筆力蒼秀同治三年佐柏澧西先生辦賑勞動不辭光緒十八年司鐸澄城教士懇切儒林歌頌公餘臨池染翰揮灑自如居澄三載踵門求書者卷帙山積解組之日士紳僚友皆以詩歌贈其行極一時之盛錢云

楊彝珍字秉初附貢生同治壬戌軍興佐檢討吉長清辦城防巡撫劉典奏保訓導旋奉檄拓築郭牆並東路一帶墩台事竣勞以知縣用並賞藍翎五品銜又獎給保障功偉匾額多忠勇公之入關勦賊也追議張文毅公遇難事立擒回紳馬百餘幾以軍法徇彝珍率衆紳援救得免一時士庶咸推重之壬申選授同州府學訓導兼辦府治團防屢獲巨匪克消隱患學使許振偉偉其才每以未膺民社惜之光緒庚辰升華州學正教士專以治事為重未幾因疾引退彝珍性豪爽慷慨好義於公益事無不勇助其成尤喜排難解紛地方賴以息爭者不可枚舉光緒甲午河湟告警陝中大吏飭修城郭里人懷其前績為勒石郭外稱頌焉

王之傑字漢三光緒甲午進士以主事分刑部潛心讀律為尚書薛允升器重恆以法家許之二十八年秋審民婦何氏聽從伊女姚氏

咸寧長安兩縣續志 卷十五 列傳

謀斃婿妾一案母女俱擬絞而以嫡庶名分女改緩決之傑覆勘以謂嫡庶之分固嚴母女之倫尤重詳覈案情當該氏哀求幫助伊母勸解不聽反以尋死挾制是何之尤從迫於溺愛姚之潑悍即此可知查例載尊長謀殺卑幼如與死者之子同謀致其子罪干凌遲起意之犯絞決尊長陷卑幼之子於極刑尚不能照尋常謀殺卑幼定擬出嫁之女陷其母於緩首似應較尋常謀殺夫妾略嚴又例載婦女與人通姦致母羞忿自盡無論出嫁在室俱擬絞決犯姦之婦女致母自盡尚難稍事姑容謀命之婦女致母絞抵何得率爾入緩云長吏激賞即據以定讞其勘詞傳誦一時論者謂其批卻導窺引伸經義以為律意漢廷老吏當不過此之傑治獄明決此其一斑要其大凡可知也之傑為文言不苟造恆苦思得之駢文尤工卒年四十有四

以上俱採訪冊

長安

張續由行伍從征甘肅回匪及台灣林爽文積功至督標千總嘉慶初隨總督剿黔楚叛苗累遷雲南撫標守備貴州古州都司進剿碧峯山苗克之遂復南籠遷雲貴督標遊擊隨剿四川達州教匪改提標參將進副將迭剿白藍青黃號各股匪追殺無算擒其渠陞肅州總兵屢敗匪首苟文明賊黨擒偽先鋒元帥往來川陝追擊斬獲甚多青號匪竄巫山績迎擊失利降都司隨營自効事平以遊擊用尋補督標遊擊遷四川普安參將擢山西大通總兵罪誤革職上念前勞詔以千總發河北鎮任用二十一年卒

文獻徵集錄

段永福原籍四川嘉慶初由鄉勇隨征教匪積功至千總隨提督楊

九

成寧長安兩縣續志卷十五列傳

爾城賜號利勇巴圖魯又追擊張格爾於喀爾鐵蓋山張喀爾勢蹙

將自剄永福奪其刀生擒之子騎都尉擢參將回疆底定繪像紫光

閣除烏魯木齊參將改陝西撫標擢甘肅永固副將丁母憂請入籍

陝西服閱調陝西靜甯權甯夏總兵尋授貴州安義總兵英人以鴉

片事兆祥廣東兵船違禁駛入永福赴防扼虎門以礮擊退之晉廣

西提督移駐浙江卒賜祭葬諡勇毅

音獻類徵

馬玉麟由武舉入撫標嘉慶初隨剿興安教匪迭有斬獲連克五十

卡玉麟功最楚匪將由河南盧氏入陝商州山陽之賊復乘機竊發

玉麟奮擊之賊大潰除左營千總又免截西竄安康平利之賊掩入

賊壘殪七百擒十三人累遷舊縣關守備金鎖關都司隨大軍入川

搜捕餘匪平之調漢中久之遷甘肅平涼遊擊賊首龔貴糾眾擾南

山復隨總督進討擒其渠賜花翎遷四川漳臘參將改提標進中軍

副將道光六年授川北總兵尋移建昌稱疾罷旋卒

文獻徵集錄

馬金魁安康人寄籍長安嘉慶初由鄉勇隨征興安漢中教匪迭破

賊獲賊目及匪黨累給五品頂戴賜花翎除鞏昌千總復隨楊芳楊

遇春敗賊於鄖西平利累遷陝西靖邊都司協剿滑縣賊破道口復

滑縣回剿陝南三才峽廂匪及綠號股匪悉平之擢甘肅鎮羌遊擊

赴防葉爾羌擊走張格爾等道光二年遷督標參將進中衛副將張

格爾復煽亂又隨遇春進討擒張格爾加總兵銜尋授雲南鶴麗總

兵再調直隸大名卒子榮陝西留壩遊擊

音獻類徵

葉文馥字蘭渚居漢故城未央宮遺址之南乾隆甲寅舉於鄉大挑

知縣分四川攝廣元教匪犯境文馥率鄉勇堵剿賊大挫衄相戒不

敢入境縣為三省通衢軍需旁午文馥多方籌辦無遺誤總督勒保

奇之即補廣元令旋擢州牧晉郡守所至興學校重農桑而於均徭

清訟尤不憚勞地瘠鹽梟犯必嚴治其去瀘州日紳耆祖錢贈詩有

十年無計留清獻五月當時渡武侯之句蓋以武侯之嚴美之也

十

冊

呂清字鏡泉一字時山乾隆壬子科舉人嘉慶己未成進士選授四

川銅梁縣知縣銅梁幅輿遼闊山川險阻民風狙譎悍盜好訟胥吏

因緣為奸斂法無忌而天星橋空殼樹三交場諸處囑匪如麻為川

東逋逃藪號稱難治清下車待百姓以誠待吏役以信日坐堂皇諄

諄開導久之治化大行訟牒漸稀賊竄他境尋調署會理州州界滇

邊夷種蠢聚水土惡澆清調和夷漢互用恩威芒部大悅蔣礪堂制

軍知其賢調邛州復委成都既而丁繼母憂辭職清貌偉聲宏髭鬚

如戟能飲酒至數石不醉質樸不修威儀與人交歷肝瀉膈無纖毫

緣飾性廉儉不妄取民在官十餘年其歸也囊橐蕭然憫諸弟耕作

之勞戴草笠行烈日中送耕者饑以暑疫卒年五十八子蔭柟蔭栢  
蔭杜養素堂文集

李裕堂字惇甫號葆初性孝友讀書目數行下年十七以第一人入  
庠旋登賢書嘉慶甲戌成進士改翰林院庶吉士授編修大考前列  
賜絹緞典浙江鄉試京察一等簡授河南知府清理積案嚴懲訟師  
民賴以安並捐助郡營兵餉值鄰省亂復整備團練防禦一境安堵  
升湖南鹽法道累署藩臬兩司稽察鹽政積弊伸理誣陷命案人稱  
神明他如捐廉養濟助資救生尤多惠政去之日百姓相送有泣下  
者卒年五十有七採訪冊

張述燕字雲樵又字友蘇由優貢登賢書嘉慶己未科成進士朝考  
第一為翰林院庶吉士辛酉散館改刑部山東司主事旋居母喪起  
復分湖廣司行走剛鯁有識不喜模稜平情決獄多所平反久之以

太翁春秋高假歸侍養泊太翁歿遂不復出暇輒臨池作草書獎拔  
後進有以文字就正者尤娓娓言之不倦云年六十一以道光二年  
卒武威張樹銘其墓子二汝棣汝弼養素堂文集

王百齡字介眉一字芝田乾隆壬子舉人嘉慶壬戌進士改翰林院  
庶吉士散館選直隸新城縣知縣調臨榆升延慶知州晉深州直隸  
州署保定府知府所至多惠政久之丁母憂去官遂不出百齡性敏  
好學耿介自持而接人和厚不苟取與少貧苦母王太恭人博學工  
文翰生平學問得於母教者居多嘗曰作人須作完人又曰事之根

本治心為要己心安則為學為政一以貫之矣年逾五十杜門課子  
有暇則讀書飲酒以自怡悅慷慨好義凡所能為者無不盡力為之  
蓋亦行其心之所安而已年六十七卒大學士蒲城王文恪公鼎表

其墓墓志

寇文耀字星五嘉慶戊辰武舉投効撫標以善射拔補平涼千總游  
升涼州左營守備鹽茶都司大靖遊擊歷署下馬關隆德守備靜寧

都司俄卜嶺固原平涼游擊潼關協副將所至練精兵熟於邊防要  
隘鹽茶固原大靖俄卜嶺皆守邊也而保障潼關功最偉文耀始任  
事即值粵黨竄蒲津僅界一水文耀防地鄰於晉聞報立策馬相度  
南北隘口增屯戍修戰具關防既固則又馳往大慶關禹門芝川等  
渡校閱所部撤船防河軍於韓城俞村以扼之敵知有備不敢渡會  
大府亦調兵增防三輔賴以安堵設非先幾制勝敵騎一涉陝疆殆  
矣文耀嘗從征喀什噶爾及剿岐郡股匪屢以奮勇蒙殊獎其在平  
涼生擒巨盜宋毛三大靖破番賊於永昌南山以少勝多尤著戰績

云子守智字愚溪弱冠入邑庠為四川縣丞以轉餉功保知縣加同  
知銜其署平武縣青川縣丞時城外舊有橋屢修屢圯河漲人畜輒  
淹沒居民苦之守智鳩工重修功垂竣復被冲毀守智誓除此患毅  
然任之既解任仍督工不少休卒底於成今平武人呼為寇公橋云

會蜀饑檄辦粥廠嚴稽查躬自執爨百餘日以勞卒採訪冊

柏守貞字仲梅嘉慶戊辰領鄉薦辛未成進士選四川大寧知縣大  
寧貧瘠民多廢讀書院圯於水守貞至即修葺之延名師訓課士子  
並修養濟院捐廉給米復捐設義學於縣城又勸四鄉分設二十餘  
處教民栽桑種桐以供日用除莠民理塵牘自撰通俗易解詩勸民  
息訟歌刊布民間民多誦之每斷獄必以情鄰邑有疑獄上游悉以

委之稱為蜀中循良第一舉卓異旋丁母艱歸服闋授山西交城知  
縣值歲饑撫綏賑濟民賴以安太原民有獄久不決投牒大府願得  
交城令研鞫死不恨如其請一訊而服太谷文人聞其事相繼以  
為請皆伸理之遠近翕然尋卒於官士民哭送數十里不絕採訪冊

其墓墓志

李珍字聘臣有吏才道光中初任直隸廣昌以疾歸尋揀發貴州權  
施秉縣地瘠而當衝珍於城東官渡捐造大舡月給水手口糧商旅  
便之荆蓬之災親歷山谿捐銀撫恤多所全活修文苗民向稱刁抗  
珍署縣時減秋征之耗遂各安業踴躍輸將米貴則借義倉平糶又  
捐穀百石濟之價遂平旋補鎮遠適府衛兩城水災珍設廠以粥賑  
病施醫藥冬給綿衣民氣乃蘇又請修城垣橋隄考棚行臺塘房衙  
署及營房九百餘間功竣而民不知役黔人至今頌之採訪

梅錦堂字芳山祖應魁乾隆甲午舉人父友竹道光辛巳舉人錦堂  
伉爽果敢能文章以優貢朝考得訓導政府經歷分省四川任嘉定  
日值威遠嘔匪五渡溪蠻健為樂山竈丁先後糾眾謀變錦堂奉委  
查辦均設計解散之嗣以拏獲并研盜犯升知縣補洪雅甫下車即  
平反長髮巨案釋無辜二十五人妖僧某邪惑眾誘男婦稱弟子

咸寧長安兩縣續志 卷一五 列傳

十一

錦堂得其簿立投諸火抵妖僧罪餘弗問邑人頌為神君洪雅舊無  
城則集貲督紳民修之城甫完而藍黨至邑賴以全尋保知府加道  
銜光緒四年卒始錦堂為諸生省親慶陽適應寧州襄校試卷之聘  
至則城門已焚鄉民縱橫臥官署農器雜置路為之塞詢其故乃以  
丁糧加價肇變者署牧某懷印泣將自裁已馳狀請兵矣錦堂曰雖  
然事又安得至此急追還其狀延學官與紳民約銀價如故眾宜散  
歸即日出示事乃解濟變之才此亦發軔之一端也採訪

呼延甲後更名振字冠三幼失恃事父最孝父他往戒勿出則閉門  
獨坐一步不移其敬謹多類此道光辛卯領鄉薦甲辰成進士官翰  
林院編修己酉典雲南鄉試咸豐壬子分校北闈所得多知名士翁  
相國同龢其尤著者洎為御史以疏論整頓錢法嚴禁銅器辭氣激  
昂觸當路忌幾遭擯斥未幾果鑄當十當百甚且代以鐵錢圖法大

壞一如所言朝論服其先見而振已殞謝久矣採訪

劉餘慶字善初道光丙午以第一人登鄉薦咸豐丙辰成進士戶部  
廣東司主事司為農曹領袖事最繁餘慶卯入西出寒暑無間手輯  
事宜釐然成帙大僚多採行之洊升郎中出任長沙府遺缺除守常  
德郡濱朗江戊寅江水潰溢人畜田廬胥歸巨浸餘慶力振其眾全  
活無算又復籌資峻隄防全境始安既而會匪謀變廉得其情外示  
鎮靜密事搜緝卒弭巨患常德人至今頌之子二志光緒乙亥恩科  
舉人內閣中書愈丙戌進士河南唐縣知縣墓志

劉篤慶字繼恂餘慶弟官湖北府經歷以勞績保知縣補監利歷署  
應城鍾祥武昌等縣事武昌有樊口者為江咸武冶等縣水道必經  
之地武昌之葛店華容西陽阪黃岡之三江口得勝洲民田軍屯又  
皆外濱江內濱湖犬牙相錯樊江漲則胥受倒灌之害救時者每議

咸寧長安兩縣續志 卷一五 列傳

十四

於口內修隄建閘以資宣洩漁戶舟人弗便也屢梗其議去口遠者  
又吝於資持兩端議久不決然數縣人民苦之稔知篤慶慈惠果決  
敢任事環泣請命篤慶以狀上聞不許光緒丁丑災民數千裹糧自  
築篤慶弗忍阻遂里吏議隄亦毀既而侍郎彭玉慶巡閱江上廉得  
其情具疏剖辯始復其官而修築之議迄不果行墓志

高景清字春潭由太學生議敘道員賞戴花翎家豐於財前後捐輸  
軍餉累巨萬咸豐癸丑晉豫不靖關中戒嚴官檄民團練自守民途  
巡弗應當事以告景清景清撰便詞百餘言曰平心想歌刊布於眾  
讀之發人義氣同治壬戌渭北回亂漸逼省城城內漢回驚恐而驚  
互猜忌大吏曉諭弗能釋有以景清居近回民勸他徙者曰吾不以  
滋人疑也我去人將焉往乃集漢回耆老於庭邀回紳矢信於漢自  
以厲聲抗言於回曰漢有首發難者予妻孥惟汝戮之余知景清誠

信帖然服遂相安如初其年秋援軍雲至以銀易錢者蜩集於市商不支洵洵欲動商大恐奔告景清景清為白當事傳令錢商七十餘家家各出若干緡別為一肆曰錢行公局以支軍一夕事就其保全桑梓能持大體多類此子岳松另有傳墓志

高岳松字峻生號幼潭景清子幼有至性讀書多夙悟能文工書由康生中同治己巳補行壬戌甲子科舉人同治十年成進士以一甲第二人及第為翰林院編修丁父憂歸哀毀憂勞不以感而廢禮地方義舉皆承父志力任之光緒乙亥陝甘分關取中名額各得其半岳松力請於巡撫譚鍾麟獨為陝西加中十名疏入得請後遂沿以為例平日謹飭儉約而於睦鄰睦族始終無吝色卒年三十一士林惜之堂弟樟姓字少浦庠生三品銜候選員外郎性孝友好善樂施創立節孝祠及奎星閣皆輸貲光緒戊寅捐賑全活甚眾子彝光緒

咸寧長安兩縣續志 卷十五 列傳

丁酉拔貢甘肅寧朔知縣

梅震煦字小山錦堂長子廩貢生以知州分四川時粵黨倣擾蜀中戒嚴大吏檄震煦創辦瀘州貨釐手定權綱餉充而商不病尋委職局覆鞠彭縣人魏姓之獄先事者浼震煦毋異己震煦曰吾不忍以人命徇人情也卒得實為之平反聞者歎服會松潘營有潰兵停餉之事其未潰者懼而譁震煦率檄往勘比至兵燄張總兵某不能制乃告於眾曰例餉不給潰卒非於爾眾士有斬也明日支領其無譁眾肅然相率歸伍馳狀備帑發其半仍置首難數人於法事遂息去之日百姓環跪泣留曰微公吾屬無噍類矣遮道不令去其感人如此震煦歷署廣元越嶲榮經西昌大邑一廳四縣補崇慶州多惠政此尤其卓卓可述者子承祜廩生甘肅候補府經歷承祜光緒乙酉舉人候選知縣在軍營病故賜卹蔭承祜辛卯舉人署四川雅安縣

知縣承禱武生候補衛千總承祖四川候補府經歷承祜四川候補

雷致福字震初號恐菴弱冠以第一人入庠為路德門下知名士由廩貢生候選訓導咸豐五年舉於鄉揀選知縣加同知銜同治紀元回亂致福督率團眾擊賊守城又以先後清查保甲兼管虎威營務監修貢院督理平糶出力歷敘候選道賞花翎加鹽運使銜光緒三年大稜致福襄辦賑事並出資置義田掩骸骨旋主講崇化書院年逾七秩讀書閱文昕夕不倦卒年七十有九著有日鈔篇竹蔭書屋文集子光第字紹初丙戌進士刑部主事山西候補道登門字幼初乙酉拔貢舉人由教習官四川知縣在任候選道歷署榮經雅安江安開縣知縣以上俱採訪冊

咸寧長安兩縣續志 卷十五 列傳

王承霖字益農先世居三原魏迴村其僑長安則自祖始承霖貌清奇性豪爽善飲喜賓客雖列市肆日與士大夫周旋上下議論聲震鄰座不屑屑為財利計而所得輒豐宗戚故舊之貧乏者無不恤也或收撫遺孤急朋友之難雖蒙詬辱不為悔羣從子弟已異居仍為謀其生業事父母色養無違兄廩貢生轅天懷沖淡儵然物外承霖給養終身不使以家計累其心同治初涇陽失守殞燬數十萬瘞之亂後邑里蕭條招集流亡力為之倡不辭勞瘁光緒丁丑歲稔登粟活其村族而於咸長振務襄贊尤力承霖習於錢法陝自咸豐時失鼓鑄利大錢鐵錢害不勝言民間乃盛行錢票錢票者以錢為根書其數於楮而楮遂有錢之用其制如元之鈔而有見錢以為母且不領於官官於是設恆通字號以行之中更軍興餉糈器械諸凡取給省垣內外流行恆通錢票不下數百萬貫時巡撫譚鍾麟謂有發無收票根不清弊端潛滋一旦決裂累仍歸於民於是嚴斥司恆通

無收票根不清弊端潛滋一旦決裂累仍歸於民於是嚴斥司恆通

事者盡收其票而糧價日增銀價日減城內數十萬戶藉市糴以食者皆大困承霖謂當道慮固深遠然錢乏而民病票不可盡收也其以新票易舊票而稍變其制則並行不悖矣又擇市之富者出民票以濟之庶幾不匱如其言之民困果蘇既又曰錢制之官者也銀非制之官者也錢顧受制於銀是利權不操之國也不如以銀為錢銀錢為母銅錢為子市增數倍之錢而質固銀也則久而不敝且西人之銀錢盛行東南矣勢必漸及西北中國不自收其利權人將代為收之而乃爭於其後則不及之勢也又曰古者謂財力財之力聚則強散則弱流則盛滯則衰中國地大物博乃見絀於西洋其勢散而滯也今之匯票雖鉅萬金一紙可通萬里蓋即宋之交子飛錢若設官領之中國財力未必不足敵西洋乃做行錢票而不問匯票是通其小而忘其大也其卓識偉論如此以籌賑獎州判加鹽提舉銜

咸寧長安兩縣續志 卷十五 列傳

十七

卒年六十有八咸陽古愚劉先生銘其墓子三長煥章邑增生次憲章邑附生次典章廩生官至四川寧遠府知府保升道員有政績墓志

並採訪冊

朱連泰少孤事母孝里中呼為朱孝子官洮州營都司年已六十而猶自請出征湖廣江南各省尋隨欽差袁甲三剿捻有功升授涼州鎮總兵其收撫巨目敖天印尤以公力為最賊見公旗呼曰綠鬍子朱大人來矣皆降之其威信如此採訪冊

梁瀚字海樓世居馮籍厥小豐村為少保男爵江南提督諡敏壯化鳳六世孫敷建化鳳塋於鄆縣之留犢村故後世有寄郵籍者瀚父玉堂入鄆縣庠故瀚亦籍鄆中式道光甲午科舉人丙申恩科成進士翰林院庶吉士改兵部職方司主司軍機章京兼方略館提調歷任內閣侍讀學士宗人府府丞通政使司通政使都察院左副都御

史戶部左侍郎兼吏部兵部右侍郎提督江蘇學政江南閱兵大臣戊午順天武鄉試校射大臣己未會試知貢舉己未鄉試順天副考官殿試朝考閱卷大臣庚申覆試貢士閱卷大臣文宗御極多病不視朝政事悉肅順端華二人權傾朝右內外大臣羣相依附瀚介然中處內持大節而外與委蛇遇事不激不隨時河南巡撫出缺肅順欲以瀚任瀚婉言謝却人多稱之其介節如此厥後端肅正罪時牽連朝右臣工數十百人瀚不與也中英以煙禁搆釁英氛內犯文皇東狩熱河京中臣民逃避一空國家無主人心惶惶英兵據圓明園聲罪索償聲勢洶洶瀚隨恭親王後及二三大臣出入敵軍折衝樽俎凡三返和議始定聲色不動抵掌談笑措天下於磐石之安瀚與有力焉卒年五十有八子積樞庠生積棟廩生二品廕生四川候補同知歷任茂州蒲江等州縣事積檀世襲雲騎尉積樟光緒戊子

咸寧長安兩縣續志 卷十五 列傳

十八

科舉人截取浙江鹽大使墓志

薛允升字克猷號雲階世居馬務村曾祖騰彥祖生長父豐泰庠生允升弱冠即舉於鄉咸豐六年成進士以主事分刑部初主稿四川司繼坐辦秋審處旋提調律例館同治十二年出守江西饒州府光緒三年擢四川龍茂道累遷山西按察使山東布政使署漕運總督居外任者凡六年復入為刑部右侍郎旋轉左綜十三年中歷權禮兵工各侍郎十九年除刑部尚書允升初入刑部念刑名有關民命非他部比乃上稽春秋下逮累代各法典博攷深研訂訛洞奧而得其精僚友質疑條對無悞所定案牘一字莫移為郎十餘年各長官倚重如左右手每逢現訊秋審案牘山積悉委允升一手核定他莫能贊一辭及為長貳凡遇大獄皆推允升定讞衆畫諾而已各省有大獄命允升往輒得白計允升主持讞典幾三十年犯無遁情案絕